

Mensahe 6

Ang Tiunayng Kahulogan sa Pagputli sa Namauling Mga Binihag

Basahong Kasulatan: Esd. 9:1—10:44; Neh. 13:23-30a;
Mat. 5:8; Bug. 21:18b, 21b; 22:4

- I. Bugtong-talagsaon ang pahiuli sa Ginoo, ug bug-os gyod kining putli, bugtong, ug balaan, walay bisan unsang sambog; busa, nagkinahanglan tag mga Esdras ug mga Nehemias nga mobuhat sa pagputli; sa tanang lakang sa pahiuli sa Ginoo, gikinahanglan ang pagputli:**
 - A. Giputli ni Esdras ang pahiuli sa paggahin “sa balaang kaliwat” gikan sa bisan unsang pagano—Esd. 9:1—10:44:
 1. Sa wala pa moabot si Esdras, dunay sambog kay duna may mga Israelinhong nakigminyog paganong mga asawa ug nanganak sila niining samboga; hulagway kini nga espirituhanong iaplikar nato, dili linetrahon.
 2. Diha sa pahiuli sa Ginoo, gikinahanglan ang pagputli aron magahin “ang balaang kaliwat” gikan sa bisan unsang pagano—9:1-2:
 - a. Ang pahiuli sa Ginoo mao ang balaang kaliwat; magmaputli gyod ta pag-ayo aron dili gyod masagolan og bisan unsang pagano ang balaang kaliwat.
 - b. Balaan ngani ang pahiuli, panalanginan ta sa Ginoo—Ezeq. 34:26.
 - B. Human sa pagtukod sa balay, nagkinahanglan tag pagputli (makita sa pagpanguna ni Esdras), ug human sa pagtukod sa syudad, magpaputli na sab ta (makita sa pagkabug-os ni Nehemias)—Esd. 9:1-2; 10:1-44; Neh. 13:1-30a.
 - C. Diha sa mga iglesia lokal, hingpit gyod tang magpaputli sa tanang sambog; ilabay gyod ang bisan unsang komon ug sukwahi sa langit-nong kinaiya sa pahiuli sa Ginoo—2 Tim. 2:19-22.
- II. Sambog ang Babilonia sa mga butang sa Dios ug sa mga butang sa mga diosdios, ug ang prinsipyo sa Babilonia mao ang prinsipyo sa pagsagol sa mga butang sa tawo sa Pulong sa Dios ug sa mga butang sa unod sa mga butang sa Espiritu—2 Cron. 36:6-7; Esd. 1:11; Bug. 17:3-5:**
 - A. Dulumtanan sa panan-aw sa Dios ang bisan unsang bahin sa Babilonia, ug bisan unsang Babiloniahanon maghatag og luna ni Satanas sa pagpildi sa katawhan sa Dios—Jos. 7:1-21.
 - B. Gidumtan sa Dios ang prinsipyo sa Babilonia labaw sa bisan unsang ubang butang; sa diha lang hukman na nato ang tanang Babiloniahanon sa sulod nato nga makaingon ta nga gidumtan sab nato ang prinsipyo sa Babilonia.
- III. Dunay sambog sa Mga Buhat 21 ug sa basahon ni Santiago; gisa-**

Mensahe 6 (sumpay)

gol ni Santiago ang Daang Tugon sa Bag-ong Tugon, ang bag-ong dispensasyon sa daan, ang bag-ong katawhan sa Dios sa daan, ug ang bag-ong tawo sa daang tawo—Sant. 1:1, 17-18; 2:1-4, 8-12; 3:2; 4:11-12; 5:10-11:

- A. Gibutyag sa Mga Buhat 21 ang makalilisang nga sambog sa iglesia sa Jerusalem; nagbantay gihapon sa kasugoan ni Moises ang mga magtutuong Judio, nagpabilin sa dispensasyon sa Daang Tugon, ug kusganong naimpluwensyahan sa Judiohanong impluwensya, nga nagsagol sa pamatigayon sa Dios sa Bag-ong Tugon sa karaan na nga pamatigayon sa Daang Tugon—vv. 18-21.
- B. Wala sila masayod nga hingpit nang natapos ang dispensasyon sa kasugoan, nga hingpit gyong pasidunggan ang dispensasyon sa grasya, ug nga batok gyod sa iya-sa-dispensasyong administrasyon sa Dios ang dili pagtagad sa kalainan ning duha ka dispensasyon ug maka-daot pag-ayo sa mapatigayonong plano sa Dios alang sa pagtukod sa iglesia nga pagpadayag ni Cristo—Juan 1:16-17; Bug. 2:9.
- C. Manugo sa tawo ang kasugoan segun sa pagkamao sa Dios; sangkapan sa grasya ang tawo sa pagkamao sa Dios aron matagbo ang mga gipangayo Niya; ang grasya mao ang Dios nga napahimuslan sa tawo—Juan 1:16-17; Gal. 6:18; 2 Cor. 13:14; 12:9; 1 Ped. 4:10; Efe. 3:2; 4:29; 6:24.

IV. Dakong problema diha sa mga anak sa Dios ang pagsagol sa kaulingon sa espiritu—Heb. 4:12:

- A. Nakapadili-angayang moalagad sa Dios sa daghang tawo kining samboga, kay naa may daghang sambog sa ilang espiritu, nga dili makapahimuot sa Dios—2 Tim. 1:3.
- B. Putli ug hinlo ang espiritu sa kinahiladmang bahin nato; apan, sa paggula sa espiritu ug moagi sa kalag ug lawas, matakdan kini sa kahugaw ug kadunot—2 Cor. 7:1.
- C. Gihatagag gibug-aton sa pagbatok sa espiritu ang pagbatok sa dili putling mga motibo ug tuyo ug uban pang sambog sa sulod nato—1 Tes. 5:23; 2 Tim. 1:7.

V. Magmaputli gyod ta sa kasingkasing, sa konsensya, ug sa espiritu:

- A. Makakita sa Dios kadtong putli og kasingkasing—Mat. 5:8; Job 42:5; Bug. 22:4:
 - 1. Ang pagkaputli sa kasingkasing pagkausa ray tuyo, dunay usa ra ka tumong nga mao ang pagtuman sa kabubut-on sa Dios alang sa Iyang himaya—1 Cor. 10:31.
 - 2. Ang putling kasingkasing, kasingkasing nga naghimo sa Ginoo nga bugtong-talagsaong tumong—1 Tim. 1:5; 2 Tim. 2:22; Sal. 73:1.
 - 3. Sa kahulogan sa Bag-ong Tugon, ang makakita sa Dios pareho ra sa makabaton sa Dios, ug ang makabaton sa Dios pagdawat man

Mensahe 6 (sumpay)

sa Iyang elemento, kinabuhi, ug kinaiya aron maumolan ta sa Dios; magtransporma nato ang pagkakita nato sa Dios, kay sa pagkakita nato sa Dios madawat man nato ang Iyang elemento, ug mahabwa ang daang elemento nato—2 Cor. 3:18.

4. Ang pagkakita nato sa Dios pagkatransporma man ngadto sa mahimayaong dagway ni Cristo, sa Dios-tawo, aron makapadayag ta sa Dios sa Iyang kinabuhi ug makarepresentar Niya sa Iyang pagbulot-an—1 Juan 3:1-3; Gen. 1:26.
 5. Magmaputli gyod ta sa kasingkasing ug bug-os nga alang sa pahiuili sa Ginoo; ayha pa ta makatabang sa pahiuili—1 Tim. 1:5; 2 Tim. 2:22; 1 Ped. 1:22.
- B. Magbaton gyod tag dili lang maayong konsensya kondili putling konsensya sab—Bug. 23:1; 24:16; 1 Tim. 3:9; 2 Tim. 1:3:
1. Ang maayong konsensya, konsensyang walay pagtuto tali sa Dios ug sa tawo—Buh. 23:1; 24:16.
 2. Konsensyang nahinloan sa tanang sambog ang putling konsensya; nanghimatuod kanang konsensyaha nga, sama ni Pablo, ang Dios ug ang Iyang kabubut-on ray gitinguha nato—2 Tim. 1:3.
- C. Ang unang kwalipikasyon sa buhat mao ang pagkaputli sa espiritu—2 Cor. 6:4a, 6:
1. Lisod kaayong makakitag tawo nga putlig espiritu (7:1); ang pagkaputli maoy unang gikinahanglan sa pagpanguna ug sukaranong kondisyon sa pag-alagad nato (1 Tim. 3:9; 1:5); ang problema sa sambog maoy kinadak-ang problema diha sa mga masigka-magbubuhay; ang pagkadili-putli maoy sagad nga hinungdan sa dili pagsinabtanay ug pagduda (2 Tim. 1:3; 1 Tim. 3:9; Tito 1:15).
 2. Hingpit gyod natong batokan ang tanang sambog sa atong espiritu aron nga sa paggula sa atong espiritu, dili kini kuyaw o makasamok ba sa uban.
 3. Kon gusto tang magamit sa Dios, ipagula gyod ang atong espiritu ug putli gyod kini—2 Cor. 6:4a, 6.

VI. Lunsayng bulawan ang syudad sa Bag-ong Jerusalem, sama sa tin-aw nga bildo, ug lunsayng bulawan ang dalan sa syudad, sama sa sihag nga bildo—Bug. 21:18b, 21b:

- A. Nagtimaan sa kinaiya sa Dios ang bulawan; ang pagkalunsayng bulawan sa syudad nagpakita nga iya sa diosnong kinaiya ang syudad ug ang diosnong kinaiya maoy elemento niini—v. 18b.
- B. Ang lunsayng bulawan sa dalan ug sa syudad sama sa tin-aw nga bildo, nga nagtimaan nga maaninaw ang tibuok syudad ug dili gyod lubog—v. 21b:
 1. Kon himoon natong bugtong-talagsaong dalan nato ang kinaiya sa Dios, maputli ta, walay bisan unsang sambog, ug maaninaw, wala gyoy pagkalubog.

Mensahe 6 (sumpay)

2. Kon matuhopan ug masuroman ta sa Espiritung taghatag-og-kinabuhi, maaninaw ug matin-aw sama sa kristal ang pagkatawo nato sa sulod—2 Cor. 3:8-9, 18.
- C. Kon gusto ta nga maanaay tinuod nga iglesiahanong kinabuhi, kinahanglan nga lunsayng bulawan gyod ang iglesia mismo, sa ato pa, hingpit gyong iya sa diosnong kinaiya; gikinahanglan nato dinhi ang buhat sa krus nga mohinlo ug moputli nato—Bug. 1:11, 20.
- D. Ang kalainan sa apostasyanhong kacristianohan ug sa tinuod nga iglesia mao nga sambog ang usa ug putli ang usa pa; tin-aw gyod unta sama sa kristal, walay bisan unsang sambog, ang mga iglesia lokal, sama sa Bag-ong Jerusalem—22:1.